



Universitätsbibliothek Paderborn

**Theses Historico-Theologicae In quibus expenditur an
verè dicatur: Lovanienses sunt condemnati per Decretum
SS. Domini Nostri Innocentii XI. Proscribentis LXV.
Articulos?**

Huygens, Gommarus

Lovanii, [1683?]

Conclusio Tertia. Ex famoso Specimine, & Memoriali quodam Hispanico
per Adversarios editis, probatur quod Lovanienses non sint condemnati.

urn:nbn:de:hbz:466:1-40472

quod Lovanienses per Decretum 65. propositionum sint condemnati ; cum ideo pétierint iteratum doctrinæ Lovaniensis examen , quia intellexerant per Decretum 65. propositionum nihil in eorum doctrinâ esse reprehensum ?

C O N C L U S I O T E R T I A .

Ex famoso Specimine , & Memoriali quodam Hispanico per Adversarios editis , probatur quod Lovanienses non sint condemnati.

DUm Lovaniensium Deputati in Urbe agebant , Adversarii librum quendam (*specimen vocant Doctrina Theologica per Belgum manantis ex Academia Lovaniensi*) ediderunt , pro accuratissimâ , ut aiunt , informatione S. Sedis & Romanæ Curie . Libri hujus parte 4.5. & 6. nihil non agunt , ut à propositionibus quas Lovanienses exhibebant condemnandas , Apostolice Sedis proscriptionem avertere quoquo modo valeant. Parte namque 4. §. 2. sic aiunt ; *Ex propositionibus undecim & centum , quas representarunt S. Sedis ut corruptelas Theologia moralis in Belgio , & questionem continentem unde extiterint in Belgio contentiones , acerbitates , scandala , perturbationes , &c. per paucas invenias quæ sint in Belgio ullius nominis , non paucas verò quas nemo in Belgio Théologus tradidit , quod assèquit licuerit : quasdam excerpere ex Thesibus Scholasticis semel alicubi defensis , qua simul defensa , simul obli- vioni tradita fuerunt : atque ha propositiones vel futilis sunt & casum continentem impossibilem , vel ad praxim prorsus inutiles , & meram speculationem afferentes , vel denique communissimam continentem Theologorum doctrinam . Alias propositiones in Belgio traditas Thesibus librisue repre- sentant S. Sedis , vel fœdè truncatas , vel inhumane avulsa à suo contextu . Reliquas proposicio- nes accersuerunt ex Hispania , Gallia , Germania , Italia , Sicilia . Afferunt hic Adversarii ex propositionibus illis perpaucas inveniri , quæ sint in Belgio ullius nominis . Expende- mus postea an Lovanienses pro dogmatum scandalis à solo Belgio avertendis laborare debuerint : nunc solùm quæritur quomodo dicantur condemnati per Decretum 65. propo- sitionum , si ex illis perpaucas invenias quæ sint in Belgio alicujus nota ? Nam si Lovanienses istas propositiones tenuerint , fieri non potest ut illæ non fuerint in Belgio alicujus notæ . Secundò afferunt in verbis citatis : *Atque ha propositiones vel futilis sunt , & casum continentem impossibilem , vel ad praxim prorsus inutiles , & meram speculationem afferentes , vel denique com- munissimam continentem Theologorum doctrinam . Examinabimus loco opportuno an hæc dicta consistant cum verbis SS. Domini nostri quibus 65. propositiones damnat & prohibet ut nimirūm tanquam scandalosas & in praxi perniciosas . Quod aiunt reliquas propositiones accersi- tas esse ex Hispania , Gallia , Germania , Italia , Sicilia , nihil omnino obstat quo minus con- demnentur , etiam propter contentiones , acerbitates , scandala , &c. in Belgio excitata : quia nihil notius , quam quotidiè in Belgio legi Casuistas , ut vocant , & Scholasticos Hispanos , Gallos , Germanos , Italos , Siculos , idiomate Latino tam alibi , quam etiam hic in Bel- gio editos . Non minus futilibus , & penè per omnia iisdem rationibus conantur dictarum propositionum condemnationem interventu authoritatis Regiae impedire in Memoriali quodam Hispanicè edito , Madriti Catholicae suæ Majestati sub idem illud tempus exhibito , quo Specimen memoratum Romæ Suæ Sanctitati porrectum fuit . In hoc memoriali insuper leguntur sequentia : Ex hac ultima delegatione (Lovaniensium scilicet ad S. Sedem) exiit lamentabilem prudentes verentur : primò quid soli Iansenista Rome bene audiunt pro se & contra eorum Adversarios..... 2. Esto , nemo dubitet , quin riùè examinatis Moralium libris multe ex eorum propositionibus censuram mereantur : quod hoc tamen ad petitionem & sollicitationem istorum Doctorum Lovaniensium decernatur , novum erit gravissimorum incommodorum seminarium . Ita illi , part. 2. §. 3. dicti Memorialis . Sufficiebat ergo Adversariis nostris , ut propositi- nes**

nes scandalosæ & in praxi perniciose non condemnarentur, quod condemnatio petebatur sollicitabatur à Doctoribus Lovaniensibus. Colligeret hinc Lector quō loco apud Adversarios nostros sit fama Lovaniensium. Colligeret 2. quod Lovanienses non immeritò petierint proscribi hanc, *Quid-ni non-nisi veniale sit detrahentis autoritatem magnam sibi noxiā falso crīmīne elidere*: Item hanc, quā omne etiam veniale peccatum abstergi putabatur: *Si quis vel solus, vel coram aliis, sive interrogatus, sive propriā sponte, sive recreationis causā, sive quocumque alio fine juret se non fecisse aliquid reverā fecit, intelligendo intra se aliquid aliud quod non fecit, vel aliam diem ab ea in qua fecit, vel quodvis aliud additum verum, reverā non mentitur, nec est perjurus.* Redeo ad tertiae hujus Conclusionis scopum, qui erat ex dicto specimine, ac memoriali Hispanico ostendere (quod ex allegatis evidenter patet) quod Lovanienses pro 65. propositionum condemnatione Romae sollicitaverint, quodque Adversarii eam omnimodè impedire conati sint; adeoque dum S. Sedes Apostolica propositiones illas condemnavit, non secundūm Adversarios sed secundūm Lovanienses judicavit, ac proinde Lovanienses non sunt condemnati, sed Adversarii: *Is namque dicendus est condemnatus contra quem, non verò ille secundūm quem iudicatum est.*

C O N C L U S I O Q U A R T A.

*Frustrā contra dicta allegantur quadam ex Thesibus pro Baccalaureatūs aut
Licentia gradu adipiscendo Lovanii defensis.*

Pro suscepto à nobis argumento, nequidem examinandum putamus, an aliquæ, an nullæ ex 65. propositionibus in juvenum pro Baccalaureatūs aut licentia gradu respondentium Theses, Doctore aliquo præsidente, olim aut antè hanc defensas irrepererint. Concedamus ergo aduersariis ita accidisse: id est, exstisso tempus, quo laxitatum patroni, per libros suos tanto numero editos tantum nocuerunt fidelibus, ut de scandalosa illa ac perniciosa lue etiam ipsi Academiae Lovaniensi aliquid communicaverint. Quo jure idcirco per Decretum 65. propositionum condemnati dicuntur Lovanienses; cum hi contractam infectionem, sive errores sibi antehac communicatos, per libros subindè, sepiissimè per Theses, & potissimum per solemnum illam ad Urbem contrà laxitates deputationem adeò publicè retractarint? Nonnè potiori jure etiam S. Paulum non ab uno vel paucis, sed ab omnibus Judæorum dogmatibus conversum, dicent in primo Jerosolymorum Concilio esse condemnatum? Non solum potiori, sed omni prorsus jure, si consequenter loqui velint, faceri debent Adversarii se esse condemnatos; omnes namque 65. propositiones & plures aliae quæ propter laxitatem tunc exhibebantur condemnandæ, fuerunt per Deputatos Lovanienses S. Sedi in ipsis Adversariorum libris, Thesibus publicis, & scriptis ostensæ (comprehendo sub nomine Adversariorum omnem illum qui Lovaniensium doctrinæ, aut cui Lovaniensium doctrina aduersatur) præterea Adversarii sua illa laxitatum dogmata non retractarunt, nec pro illorum condemnatione laborarunt, quemadmodum Lovanienses, sed contraria potius omnia egerunt. Denique ad hominem, ut aiunt, loquor, si 65. propositiones contineant doctrinam Lovaniensem, cur Adversarii non petierunt illas propositiones condemnari? Cur condemnationem tanto molimine etiam positivè conati sunt impedire? Notum quippè est quod apud Adversarios doctrinam Lovaniensem non eo loco sit, ut talem tantumque favorem, ab ipsis expectare possit.

C O N-